



## **Universitätsbibliothek Paderborn**

**Francisci Toleti S. R. E. Cardinalis Svmma Casvvm  
Conscientiæ, Sive De Instrvctione Sacerdotvm Lib. VII**

**Toledo, Francisco de**

**Coloniæ Agrippinæ**

69. De modis restituendi famam.

**urn:nbn:de:hbz:466:1-40916**

*De modis restituendi famam.*

C A P V T L X I X .

**Q**UATUOR modis aliquis potest famam alteri auferre. Vno modo, imponendo ei crimen falsum, vnde in famiam contraxit, & qui sic infamauit, teneret coram his, in quorum praesentia tale imposuit crimen, asserere se mente & falsum dixisse, & si opus est, id iuramento confirmare deberet, ut credatur; & qui libellos infamatorios contra aliquem edidit, tenetur alios in contrarium facere, qui tam efficaces sint ad auferendam infamiam, sicut primi fuerunt ad inferendam.

Alter modus auferendi famam est, cum quis crimen alicius, verum quidem, sed occultum manifestat, & tunc non tenetur sic restituere famam, ut dicat se falsum dixisse; hoc enim esset mentiri, quod nullus debet facere; sed debet in praesencia illius, cui crimen manifestauit, illum saepè laudare, ut quantum fieri possit, bonam opinionem habeat ipsius. Aliquando etiam bonum erit dicere, se iniuste dixisse crimen illius, ut per hanc aequiuocationem intelligent alii, illud fuisse falsum: ut, qui morti proximus est, & alterius crimen, propter quod morte plectetur, occultum manifestauit, tunc coram notario debet dicere, se male & iniuste dixisse; nam verum secreta res faciendo, peccauit, contra iustitiam enim manifestauit. Attende tamen, quod, qui praedicto modo, vel isto secundo infamat aliquem, teneret de damno illato, quod infamatus ob infamiam incurrit, verbi gratia, si quis ob crimen sibi falsum imposuit, vel contra iustitiam manifestatum, perdit beneficia vel officium aliquod, vel aliquod temporale bonum, tenetur detractor ad restitutionem talis damni. Attende etiam, quod si crimen occultum, quod quis manifestauit, accidat postea manifestum fieri, detractor a famae restitutione liberatur, sed tamen peccauit detrahendo; quamuis, si aliquod damnum infamatus incurrit ob illam detractionem, antequam est publicum peccatum, tenetur detractor restituere.

Tertio modo; Aliquis famam potest auferre, negando crimen, quod alter ei vere imponit, & consequenter faciendo mendacem verbi gratia. Aliquis accusat aliquem coram iudice de crimine vero, iste negat, & negando infamat accusatorem, quia existimat homo mendax & iniquus, tunc, si iudicetur accusa-

accusatur, ita, ut possit probari, & probet crimen, si negat, vere infamat & tenetur restituere; tamen si non probatur crimen, tunc Caiet. verb. restit. cap. 10. dicit obligari ad restitutionem; tamen contrarium tenet Sylu. restit. 3. §. 3. Et ita tenendum est; quamvis reus peccet, mendacium dicendo, & mortaliter, si perjurus sit: tamē non tenetur reddere famam alteri, qui iniquus exitit accusator.

Quarto modo, potest aliquis famam alteri auferre, crimen manifestando, imperfectè dicendo se audiuisse ab alio Petrum esse adulterum, vel quid simile, & quamvis Caiet. 2. 2. q. 62. art. 6. & Sco. 4. d. 15. putent non esse detractorem, tamen contrarium tenet Soto lib. 4. q. 6. art. 3. & verè ita est: nam negari non potest, qui audiunt ab aliquo dicente se audiuisse, Petrum crimen commisisse, minorem famam & opinionem habere de Petro; ob id, ad aliquam tenentur isti restitutionem, si verum dixerunt, saltem laudandi illum alium, & minuendi certitudinem dicti illius, à quo audierunt, si sine mendacio fieri potest.

*De tribus dubijs circa restitutionem famæ.*

C A P V T L X X .

**D**ubitare aliquis potest, an cum detimento famæ propriæ aliquis teneatur restituere alterius famam, quam detraxit.

Dico primò, quod tenetur, etiam cum propriæ famæ detimento, alienam iniuste ablatam reddere, sicut tenetur, qui fuitus est res alienas, cum propriarum detimento eas restituere, & aliquando cum maiori suo detimento, quam sit alterius infamia.

Dico secundò cum Sco. 4. d. 15. cùm, qui infamauit, est persona publica, aut illustris, & magni momenti, infamatus autem est medio crisi conditionis, non tenetur illustris, & talis persona, cum tanto detimento, famam illi restituere, licet iniuste ablatam, sed potest resarcire pecunia. Et hoc tenet Soto loco allegato, quamvis etiam iste nolit pecunia sibi resarciri. Sed tamen hoc intellige semper, quando est notabilis multum excessus conditionis vnius ad alterum.

Alterum dubium est, an, cum periculo vitæ, teneatur aliquis reddere alteri famam. Dico, si infamatus idem etiam pe-